

حقوقی بیکیسیر مجموعه سی

هر آیک اون بشنده نشر اولنور

اولان 64 نجی و متعاقب ماده لرندن آکلاشیلدینی کبی حقوق مدنیه شرحلرنده نکاحک وکالة عقدی جائز اولدینی پک صریح اوله رق بیان ایدلشدیر. حتی (دالوز)ک کوچوک لغتنده کی (mariage) کله سنک تعریف وایضا حنده «طرفین عاقیدنک حضوری شرطدر. وکیل ایله ازدواج جائز دکلدر» فقره سی عیناً موجوددر.

اولنمه عقدینک زمان اجرا سنده قاری وقوجانک بالذات حاضر بولنلری قاعده سی فرانسه ده عسکرلره مخصوص اولق اوزره حرب عمومی ده اساسلی بر تعدیله اوغرا مشدر. ۲ نیسان ۱۹۱۵ تاریخلی بر قانونه نظراً زمان حربده حربیه و بحریه ناظر لرینک مأذونیتنه واسباب مهمه یه مستنداً سلاح آلتنده بولنان بری و بحری عسکرلرک بالذات حاضر بولنلر قاری حالده نکاح خصوصنه توکیل ایده جکلری اشخاص معرفتیه نکاحلری عقد اوله بیلیر. اسویچره حقوق مدرسلرندن (روسه ل)ک «قانون مدنی شرحی و نظریه لری» عنوانی آلتنده لسانمه نقل اولنان معروف اثرینک برنجی جلدنده وکالت طریقله اولنمه نک جائز اولمادینی پک صریح و قطعی اوله رق بیان ایدلشدیر.

هم نظری، هم مقایسه لی اولان یوقاریده کی تفصیلاتدن اولنمه نک هیچ بر سبیدن دولانی وکالة عقدی جائز اولمادینی آکلاشیلدیر. بزده دخی بو نظریاتی وامثاله مخالف تطبیقات واجتهاداتک تأسس ایتمه سی جوق شایان تمیدر.

خزینه و مسکرات اداره سی وکیل لرندن

آوردقات : عثمانه نوری

اجرا رئیس:

احمد رفیع

اسویچره ده

بورج ایچره نفعیات

اسویچره اجرا حکملری تدقیقلرندن:

— ۲ —

(بورج ایچره نفعیات)

مجلس ملی به تقدیمی مجرد علمی تدقیقاتنک توسیعاً اکالی ضرورتیه اوکمزده کی سنه به تعلیق بیوریلان اجرا قانونی لایحه سنک استناد ایلدیکی اسویچره نک بورج وافلاس ایچون

تعقیباته دائر فدهد رال قانونی حکمرانیدن بر قاج مقاله ایله بحث ایتکی فائده لی بولس ،
مجموعه نك مایس نسخه سنده اسو بچره اجرا تشکیلاتندن بحث ایتدیم . بودوره تشریعه ده
قانونیت کسب ایتسی تمی اولنان یکی اجرا حکمرانیک مستداتی موضوع اتخاذ ایدیشم
محترم مسلکدا اشاره اوفق بر خدمت ، علمک یکی اساسلرینه استناد صورتیه تنظیم ایدیلن
لایحه قانونیه حقنده ارباب حقوقزک قیمتلی اثرلرینک نشرینه باعث اولسی کی پک صمیعی
بر آرزودن مستعدر .

(۲۲ نیشان) تاریخندن بری تطبیق اولنان (۱۵ نیشان) تاریخی قانونک تطبیقات
ساحه سنده حصوله کتیردیکی فیضلی ایزلرک ، خلقه کوستردیکی قولایلقلرک یقیندن علاقهدار
بر شاهدی یم . بو نتیجه ؛ جمعاً کوچک فقط معاملات اجراییه مزده یابدینی فیضناک
انقلاب اعتباریه معناً بویوک قانونک منبعی اولان اصل لایحه نك مرعیت و تطبیقاندن قدر
شمولای فائده لر حصوله کتیره جکی ، بو اثرلده عدلیه و کالت جلیله سنک اصابت نظرینی
و مأمورین اجراییه مزک حسن مساعیسی کوستردر . خلاصه تبریکه شایان بر موفقیتدر .

اسو بچره قانونی اجرا تعقیباتنک اعلامه و بوقوتی حائز بر وثیقه استنادینی شرط
اصلی اوله رق تعیین ایتمه مشدر . زده آلدن لازم الاجرا بر اعلام اولدقجه معاملات
اجراییه توسل اولنمه جنی قطعی بر دستوردرد . بونک طبیعی نتیجه سی اوله رق تبلیغاتی
پایلیان بر وثیقه اراز و تسلیم ایدلدکجه وجیهه یی ایفایه کیمسه دعوت اولنمه ماز . ۱۵ نیشان
قانونی تعقیبات طلبلرنده بو قیدی قالدیرمش ، بونکله اعلامی ، اعلامسز ایکی شکل
اجرا حاصل اولمشدر . بو جهت اسو بچره قانوننده وحدت ارائه ایدر .

بر پاره نك تحصیلی ، بر تأمیناتک استحصالی ایچون آلاچقلی اجرا دائره سنه مراجعتله
تعقیبات طلبنی درمیان ایدر . تعقیبات بورجلییه اخبارنامه کوندرلسی ایله باشلار و منقول ،
غیر منقول ماللارک حمزی ، رهنگ صائسی ، بورجلینک افلاس طریقلرندن بری ایله اکال
اولنور . اجرا مأموری قانونک صراحت و مساعدنه سنه کوره اختیار ایدیله جک طریق
تعیین ایدر . (فدهد رال قانونی ماده ۳۸) اولکی مقاله مزده بالمناصبه عرض ایدلدیکی اوزره
حبس جرم ماهیتنده اوله رق افعال معینه یه مقصور ، تعینی محکمه یه مودوعدردر .

تعقیبات طلبی زده اولدینی کی تحریراً و یا شفاهاً عرض ایدیلر . طرفلرک و وکیللرینک
اسم و اقامتگاهلری ، اسو بچره پاره سیله آلاچنک مقداری و یا نه تأمینات ایستلدیکنی ،

فائضك مبدأ ومقداری، وثیقه وارسه نه اولدینی و تاریخی، یوقسه بورجك سببی طلبده ذکر اولونور. آلاچقلى اجنبی بر مملکتده اقامت ایدیورسه اسویچرده بر اقامتگاه اراهنه مجبور اولوب عکسی تقدیره اجرا دائره سی کنديسنك اقامتگاهی عد و اعتبار ایدیلیر. (ماده ۶۷) تعقیبات طلبی اوزرینه اجرا دائره سی بورجلی یه تأدییه امرنامه سنی تبلیغ ایدر.

برنجی اخبارنامه ديمك اولان بوامرنامه یه تعقیبات طلبنده کی قیدلریازیلیر. بورجلی یه یکر می کون مهل ویریلیر.

بورجك تمامه ویا برقسمنه ویاخود آلاچقلىك تعقیبات صلاحیتنه اون کون ظرفنده اعتراض اولنه بیلیر. دیگر اون کون بورجك ایفاسنه مخصوصدر.

بری آلاچقلى یه، دیگرى بورجلی یه مخصوص اوله رق ایکی نسخه تنظیم ایدیلن تأدییه امرنامه سنك تعقیبات طلبك وقوع بولدینی کونك نهایت فرداسنده بورجلی یه تبلیغی لازمدر. عینی بورجلی حقنده عینی زمانده مسبوق مختلف تعقیبات طلبلرینه عائد امرنامه لر عینی زمانده بورجلی یه تبلیغ اولونور. برنجی طلب یا پادقچه دیگرلری یا پلاماز. (ماده ۶۹، ۷۰، ۷۱). حمز وضعك مدته تابع اولسنه، مختلف حمزلرده حاجزلرك داخل اولدقلری سه ری یه کوره حائز رجحان بولونلرینه کوره تبلیغاتك طرز مجبوتی مهمدر. بورجلىك اقرار ویا سکوتندن متولد حقوقی نتیجه لر (۱۵ نيسان) قانونسك عینی اولدیفندن اعتراض حالى تدقیق ایدلم.

زده اعلامسز اجرا طلبلرینه قارشى بورجلىك اعتراض ایدیورم، بورجم یوقدر، قبول ایتمیورم دیمسی حالنده آلاچقلى محکمه یه مراجعت مجبوریتده اولدینی کی بو حکمی عیناً آلدیغمز اسویچرده دخی تعقیبات طلبنه قارشى اعتراض ایدلمش اولان آلاچقلى حقنى اثبات ایچون عادى اصول محاکمه یه محاکمه یه مراجعت ایدر (ماده ۷۹).

زده اعلامه ویا بوقوتده ویا ثاقه مستند طلبلره قارشى یازلدینی وجهله اعتراضك حقوقی بر نتیجه تولید ایتمه چکی واعلام و اخبارنامه تبلیغاتنده اصولسزك، حکمدن سوکره تسلیات و صلح وبرا وقوعی کی قانوناً معین مدعیاتك اجرا دائره سنه قارشى درمیانی و اجرا رئیسى طرفندن اصولاً حلی لزومی معلوم اولوب اسویچرده اعلاملی، اعلامسز اجرا طلبلرینه قارشى بورجلىك اعتراض ایتمسی اجرانك تأخیر بری مستلزمدر (ماده ۷۸). یعنی بوعوموی برقاعدهدر.

آلاچقلى يىدنده اجراسى لازم بر اعلام وارسه محكمه يه مراجعتله اعتراضك رد يى طلب ايدر. هر قانتون مراجعت اولنه جق صلاحيتدار محكمه يى تعيين وارائه ايلر . بو، بر حاكم ويا محكمه اولاجنى كى محكمه نك بردائره ويا اعضاسى ده اولايدير (ماده ۲۲).
اعتراض وافلاس طلبلى اوزرينه بسط اصول محاكمه يى تعيين ايچون قانتونلر حكملر قويايلىرلر (ماده ۲۵).

محكمه جه مسجل صلحنامه لر، حاكم حضورنده سبق ايدن اقرارلر، ادارى قانونلره كوره قابل اجرا عد اولنان قرارلر لازم الاجرا اعلام حكمنده در (ماده : ۸۰).

بورجلىنك اعتراض مجردى بر اعلامك ويا قانوناً قابل اجرا بر وثيقه نك تاخير اجراسى موجب اولمى، آلاچقلىك، بورجلىنك اعتراضى رفع ورد ايچون محكمه يه مراجعه مجبور قالمى وهله اولاده زائد بر معامله كى كورونورسه ده بوجهت بر قسمى برنجى مقاله ده عرض ايلديكم عدلى تاامينات جمله سندن پك نازك بر اساسه مستددر. واضع قانون حقت سوء استعمالنى مختلف مؤيدات ايله منع ايتدكدن صوكره جبر اجتماعىك مؤثر نتيجه لرى دوشونورك بورجلى لهنده آريجه مختلف تاامينات وضعى مناسب كورمشدر.

مرور زمان حدينه قدر قابل اجرا اولان اعلام ويا وثيقه يه قارشى سبق ايدجك اعتراضك محكمه ده تشكيل طرفين ايله قابل تميز اوله رق حلى اسويچره واضع قانونى لزومى بر تاامينات اولارق تلقى ايتمشدر.

لازم الاجرا بر اعلامه ويا وثيقه يه قارشى بورجلىنك اعتراضك كان لم يكن عديله تعقيبته دوام ايدم بيلمك اوزره آلاچقلىنك حاكمدن اعتراضك رفعى طلب صلاحيتى (زوريم، سولور، بال قامپانى، شاف هوز) قانتونلرنده اوتهدن برى قبول ايدلمشدر . فهده رال قانونيله بالعموم قانتونلره تشميل ايديلن بواصولدن مؤلف موسيو (آ. پروستلايق) و موسيو (پول آلبر) ايكى فائده تصور ايتمكده در :

۱ — اداسى واجب بر آلاچقندن طولايى صاحبى مزعج اعتراضلره قارشى وقايه و دواملى محاكمه لردن محافظه .

۲ — بورجلى يه بر حكمك صلاحيتدار اولميان حاكم طرفندن و برلديكى ويا بالا آخره اجرا ايدلديكى اثبات فرصتى بخش .

بو ایکی غایه و وصول ایچون محاکمه مجملات و مختصراً جریان ایدر . مدعی موقعده بولان آلاچقلى آلاچقلى وثائقه استناد ایتدیرر ، بورجلى آجیق و قطعی دلیلله اعتراضی سرد ایدر . فکرجه بو اصولک اک مهم و نازک تأمیناتی بورجلى لهنه در . سنه لر کچد کدن صکره موقع تنفیذه وضع اولان اعلامات حقسنده بویوک بر تأمینات و حقیقه فائدهلى و رفع محذوری موجبدر . تعقیبات قوفقه ده راسیون محکمه سندن و یا تعقیباتک جریان ایتدیکی قانتون مقام ادارى طرفدن ویرلمش لازم الاجرا بر حکمه مستند ایسه حاکم اعتراضک ردینی امر ایدر . مکرکه معترض بورجلى بورجک حکمدن سوکره ساقط اولدیغنی ، تأجیل ایدلیدیکنی تحریراً اثبات و یا مرور زمانه اوغرادیغنی در میان ایتمش اوله . حکم دیگر بر قانتوندن ویرلمش ایسه بورجلى حکمی ویرن حاکمک صلاحیته ، اصوله توفیقاً محکمه به دعوت ایدلیدیکنه ، قانونی بر صورتده تمثیل ایدلمه مش اولدیغنه ده اعتراض ایده بیلیر .

حکم؛ متقابلاً اجرا ایدله جکنه دائر مقاوله موجود اولان اجنبی بر دولت محکمه سندن ویرلمش ایسه معترض حکمک بومقاوله ده کی قیود احترازیه دائره سنده ویرلمدیکی حقسنده ده اعتراضده بوله بیلیر . (ماده : ۸۱)

مقدما (بال ویل) ده دیگر بر سیستم جاری اولوب آرده ده کی فرق آلاچقلىک مدعی علیه موقعده بولمسیدر . بو سیستمده اصل اولان اعلامه بو قوفده بر وثیقه ده استناد ایدن تعقیباته قارشى اعتراضک آنجق حاکمک تدقیقاتندن سوکره آنک قراريله قبول و یا ردی در . بو قرار حقک اساسنه تعلق ایتمز . بلکه اعتراض ایله بورجلىک سکنه یه اوغرا تدیغنی تعقیباته باشلانابیلیمک نتیجه سنی حائز علی العاده بر قراردر . بورجلى برائت ذمتی خصوصنده دعوی اقامه ایتمک ، حقسنز آلان پاره نک استردادى طریقنى اختیار ایتمک حقنى محافظه ایدر . بزده لازم الاجرا اعلامه قارشى حکمدن صکره تسلیات ، صلح و ابرا وقوعنه دائر سبق ایدن اعتراضلر اوزرینه اجرا رئیسک اتخاذ ایتمش اولدیغنی قرارک حقوقی ماهیتی مذکور سیستمه مشاهدیر .

آلاجق رسمی ، خصوصى بر سنده مستند ایسه آلاچقلى اعتراضک موقه رفنی طلب ایده بیلیر . معترض بورجلى برائت ذمتی در حال اثبات ایتمرسه حاکم موقه رفیع اعتراضه قرار ویرر . بونک اوزرینه ، اخبارنامه مدتی مرور ایتمش ایسه بورجلىک صفتنه کوره حجز موقه و یا دفتر موجوداتک تنظیمنه باشلانیر . بورجلى رفع قرارى تاریمخندن

اعتباراً اون کون ظرفنده تعقیباته صلاحیتدار محل محکمه‌سنده بورجی اولمادینی حقنده دعوی اقامه ایده‌بیلیر . محاکمهی اصول عادیه به توفیقاً جریان ایدر . بورجلی قانونک کندیسنه و ردیکلی صلاحیتی استعمال ایتدیکی و یا خود دعواسی رد ایدلدیکی تقدیرده حجز قطعیت کسب ایدر .

رفع حقنده حاکم بش کون ظرفنده طرفینی استماع ایله قرار ویرد . [ماده ۸۲ الی ۸۴] رفع طلبی تعهد و یا بورجک وقوع بولدینی محله‌کی حاکمه دکل ، تعقیباتک یاسیلدینی محله عرض ایدلک لازمدر .

کوریلدور که زده‌کی حجز احتیاطی و اجرائی تقسیماتی خارجنده اسویجره‌دهده حجز اجرائی موقت و قطعی تقسیم‌لرینه تابع اولدینی کی رفع طلبلری ده عینی تقسیمه اوغرار . بونلرک حکملرندهده مخالف طبیعیدر . [۸۰ و ۸۱] نجی ماده‌لرده موضوع بحث اولان حکملر رفع قطعی ، (۸۲ و ۸۳) نجی ماده‌لرده ذکر ایدیلنلر رفع موقتی افاده ایدر . (۸۴) نجی ماده حکمی یعنی حاکم بش کون ظرفنده اتخاذ قرار مجبوریتی هرایکی رفع طلبلرندهده جایدر .

رفع قطعی لازم الاجرا بر اعلام و یا بوقوتی حائز و ثائق حقنده تطبیق اولنور . بوقراری آلان آلاجنلی بورجلی طرفسندن برکونا اعتراض درمیان ایدله‌مش کی معاملات اجرایی تعقیب صلاحیتی احراز ایدر .

استانبول اجرا رئیسی

حاکم اوغلی

امید رفیق

آروقات :

میری صلیح

اصول محاکمه

محاکم عدلیه ایله شواری دولت آرده‌سنده وظیفه مسئله‌سی

ایکی نوع قضاتک موجودیتدن متولد محذورلردن بری ده بونلرک صلاحیتنی آیری آیری تعیین ایتمکده کی مشکلاتدر . فی الحقیقه نه کی دعواری عدلیه محکمه‌لرینه و هانکیلرینی شورا دی دولته تودیع ایتک لازم کلدیکنی دوشوندیکمز زمان پک قاریشیق بر مسئله